

Uunga siunnersuut: Nappaatit tunillaassortut akiorniarlugit iliuitsit pillugit Inatsisartut inatsisaat

(Meeqqanut, Inuusuttunut, Ilaqutariinnut Peqqissutsimullu Naalackersuisoq)

Saqqummiussissut

(Meeqqanut, Inuusuttunut, Ilaqutariinnut Peqqissutsimullu Naalackersuisoq)

Siullermeerneqarnera

Naalackersuisut sinnerlugit matumuuna Nappaatit tunillaassortut akiorniarlugit iliuitsit pillugit Inatsisartut inatsisissaattut siunnersuut nutaaq saqqummiutissavara.

Inatsisartut nakkutiginninnissaannut aalajangersakkanik ilassutigineqartut kingunerisallu tunngavigalugit iluarsiinernut siunnersuut Inatsisartut inatsisaat maanna atuuttumut amerlasuutigut assersuunneqarsinnaavoq, tassanili erseqqissaasiortoqarnikuuvoq kingunerisinnaasaanullu iluarsiiisuteqarluni. Inatsisartut Naalackersuisoqarfianit kissaatigineqartoq naapertorlugu inatsisartut nakkutiginninnissaat pillugu ilanngussisoqarpoq.

Siunnersuummi saqqummiunneqartumi siunniussaq pingaarneq suli tassaavoq innuttaasut inuiaqatigiillu nappaatinut navianartunut tuniluuttunullu illersornissaat. Suliniuteqarnermi pisariaqartinneqalerpat pissutsinullu naleqquttuusorineqalerpat tamanna atorneqassaaq.

Inatsisartut nakkutiginninnissaannut aalajangersakkanik ilanngussinikkut suliniutinik nutaanik, annertuumik killilersuinerusinnaasunik akuersisarnermut pisortatigoortumik periuseqalernissaq siunertarinearpoq. Tamanna Inatsisartunut annertuumik piunasaqaateqarfiunera naqissusissallugu pingaaruteqarpoq. Inatsisartut ataatsimiititaliaq pilersinneqarsimasoq aqcutigalugu suliniutit aalajangersimasut assersuutigalugu nunarsuaq tamakkerlugu tuniluttoqarnerani inuiaqatigiit peqqissusaannik illersuinissamut atatillugu atuutilersinniarneqassanersut pillugit toqqaannartumik pingaarutilimmillu sunneeqataasinnaassapput.

Taamatut oqaaseqarlunga siunnersuut Inatsisartuni akuersaartumik oqallisigisassangortippara.